



Presuda Mirzi Mahoviću, Samiru Kondi, Elvedinu Zemaniću i Samiru Mišiću

## Sedam godina zatvora jer su trgovali drogom


SARAJEVO – Mirza Mahović (1986), Samir Kondo (1975), Elvedin Zemanić (1981) i Samir Mišić (1992) osuđeni su u sarajevskom Županijskom sudu na ukupno sedam godina i sedam mjeseci zatvora zbog pripadnosti organiziranoj kriminalnoj grupi koja je neovlašteno porizvodila i stavljala u promet drogu. Presudu je izrekao sudija za prethodno saslušanje Županijskog suda Husein Delalić nakon razmatranja sporazuma o priznanju krivice koje su optuženi i njihovi odvjetnici sklopili sa Županijskom tužiteljstvom. Tako je Mahović osuđen na dvije godine i četiri mjeseca, Kondo na dvije godine i tri mjeseca zatvora, Zemanić na dvije godine, a Mišić na 12 mjeseci. Optuženi su se u petak kod sudije Delali-

ća trebali izjasniti o krivnji, ali su prethodno dostavljeni sklopljeni sporazumi koje je Sud razmotrio, prihvatio i izrekao im dogovorene kazne. Svoj četvorjci je ukinut pritvor u kojem su se nalazili od početka kolovoza, a vrijeme koje su proveli pod ovom mjerom će im biti uračunato u izdržavanje kazne.

U optužnici je navedeno da je Mahović od ožujka do početka kolovoza u Sarajevu, u cilju sticanja protivpravne imovinske koristi organizirao grupu ljudi radi neovlaštene kupovine, držanja i prenošenja i prodaje droge, dok su Kondo, Zemanić i Mišić postali članovi te grupe. Zemanić se još tereti i za krivično djelo neovlašteno posjedovanje vatrenog oružja za koje nije imao odobrenje nadležnog organa.

Podsjetimo, njih četvoricu su uhitili pripadnici SIPA-e početkom kolovoza u akciji kodnog naziva Glečer. Hapšenje je izvedeno na parking u kojem se nalazi u blizini Energoinvesta u naselju Stup, te su pripadnici SIPA-a pronašli šest kilograma droge koja je bila u putnoj torbi, odnosno pet kilograma marihuane i kilogram spida. Potom su, uz asistenciju sarajevskog MUP-a uslijedili pretresi na više lokacija u gradu. Zemanić se prije hapšenja, proteklih godina dovođio u vezu sa nizom incidenata, fizičkih i vatrenih obračuna. U prosincu 2010. godine ranio je Vernesa Čankušića ispred zgrade u kojoj oštećeni živi u Prvomajskoj ulici u naselju Švrakino, zbog čega ga je sarajevski Općinski sud osudio na 10 mjeseci

zatvora, a pored toga je hapšen i zbog neovlaštene proizvodnje i posjedovanja droge. **H.R.**



Sudac Husein Delalić